

Balua gba Polo pi Filemo

Eli na kalanu

Filemo nani ne makilisito na kpekpeke, a mana me a ko nani saka okpala na Dadjua gba Ebhe na Kolosai. La die, adu nani ka ani ne bali bini inde adu 'li e me Onedjime. Bali ango-o, akpe nani makula e, ani anu au li e ne Polo me ani nde bhu tikpu. Ani adje *Badha Ngali gba *Kilisito ka Polo, ani atsia akolo makilisito. Abhomu-o, Polo atsia aye balua pi Filemo ne nayo ka ani me, a ayo me u dje lio ne bali gba e-o. Polo atsia atima Onedjime agba Filemo ne nakikiliki li e pi Filemo me, ani sia ani ne badha bua, ani asia bha ani maka bali inde u ambu li e de. Engu bini, ani sia ani maka *ndai e inde makilisito.

Ongbenge ongu inde bhu bhuku inde-e ngae inde:

Eli na kalanu 1-3

Napa 'ngu ndjindji li kute Filemo 4-7

Nakikiliki lie ngubula Onedjime 8-22

Eli na soso 23-25

Polo ne Timote yi Filemo ne obi e mayi

1 ¹Ma aye balua inde-e pi mu ngama Polo. Ngama-a, ma bhu tikpu kabula 'li Yesu *Kilisito. Ya aye pi mu ngaya bhu dabili bini ne *ndai ni na mukunda Timote. Ya aye pi mu ndai ya Filemo, ngamu kpala inde ngakpokpo *Badha Ngali bhu dabili bini ne ya-o. ²Ya aye di balua ango-o pi ndai ni na oelo Apia, ne pi Alisipe inde ngagu gbele bhu dabili bini ne ni-o. Ya aye di pi ondaise ni inde ayoyo Ebhe bhu 'ti gba mu-o. ³A ayo me Ebhe 'Dyi ni, bhu dabili bini ne Ngama Yesu Kilisito suno badha bhu 'bu pi yi, amba u ha di *guo 'ngu pi yi.

Polo agie heni pi Ebhe ngubula Filemo, ani atsia ayo di Ebhe pi ani

⁴Ndu nedhinga hana ma ngayo Ebhe lie-e, ma ngabundja mu Filemo. Ma la di ngagie heni pi ani ngubula mu ndu 'kpi hana. ⁵Padha de, anga ma ngadje me mu ne mukunda naali pi ndu *omabhuka hana, mu la di ne *nabhuka bhu Ngama Yesu. ⁶Ma ngayo Ebhe ngubula me nabhuka inde ni akpetse lin ne mu bhu e-e, zu obabadha nguwa, amba mu ke mboli obabadha ndu 'ngu hana inde li Ebhe aha e pi ni-e ma kpulakutu! Li mu mene mo-o, ndu okpala hana dhoge Kilisito. ⁷Ndai ma, mukunda mu nde ne e pi ondaise ni-e aha djali muma naali, atsia ato di masi bhu ma, anga mo oko bua omabhuka koko-o.

Polo ayo ka Filemo me ani sia Onezime ndjindji

⁸Kaka-a, abana ma nde lie ne angu nayo 'he ka mu maka li bua ma akunda lie bhu 'bu nabhuka ni nde ne mu bhu e, ⁹ma ayok ka mu mo-o de. La-a, ma ayok mangbo 'he ka mu kabula mukunda ni nde ne mu bhu e ko. Ma ngapa 'ngu bhomu pi mu ngama bhele kpala Polo, ma la di mbia inde-e bhu tikpu kabula Yesu Kilisito. ¹⁰Ma ngakikiliki lima pi mu ngubula Onezime, ndili gba ma bhu 'bu nabhuka. Ani abhuka Yesu sa 'kpa ma ei, nedhinga ma nde lie bhu tikpu-o. Kaka-a, ani maka ndili gba ma, ma maka 'dyi ani. ¹¹Nako kalanu-o, ani du pi mu li kulu bini de, engu bini mbia inde-e, ani akolo pi ndu ni bhisi hana li kulu.

¹²Ngaani-e, a ko kpru ka bua ma. Mbia inde-e, ma ngagie ani pi mu. ¹³Ma nde lie bhu tikpu ei kabula Badha Ngali-e, bua ma apa muma me ani du de ma si ngu nateteke ma mada mu. ¹⁴Engu bini, ma kunda nako namene mo-o padha de me mu nde ziba de-e de.

Padhá de, anga ma kúnda nagbite m̄ l̄ namene mo-o ne ekpá de. Ma akúnda mangbo me m̄ mene engú ango-o ne bádha bua.

¹⁵ Nedhinga koko-o, Ebhe amene me Onezime n̄ l̄ bili koko ngúbula nedhinga bedi, amba pipíta-a, ani gie lie agba m̄, ngú nad̄ ne m̄ bhú dabili bini nd̄ 'kpí hana. ¹⁶ Padhá de, anga mbia inde-e, a ko matá bali de, engú bini ani ane bali mane. A ko ndai ní na mukúnda. Ngama Polo-o, ma kúnda ani naali. La ngam̄-o, mukúnda gba m̄ pi ani-e ané la matá mane, anga a ko kpála-kúti, a ko la di ndai m̄ makilisito.

¹⁷ Kaka-a, i d̄ me m̄ nde ngau ma maka ndai m̄-o, m̄ de sia ani m̄gito me mo osia ma makpe. ¹⁸ Li ani mene m̄ sisiti-e, i d̄ di me ani nde ne bopulu nagigie pi m̄-o, ma agie pi m̄ ngama. ¹⁹ Ngama Polo-o, ma aye pi m̄ ne 'kpa ma makpe me: «Ma agie pi m̄ ngama.» La-a, m̄ ti da nayo ehe bini li ma de, anga mukobho na d̄d̄ma inde mo osia e-e, mo odje 'ngú ango-o ka ma. ²⁰ A moko ndai ma, mene engú bhom̄-o m̄ma kabula mukúnda gba Ngámá gba ní-o. Teteke bua ma, anga ní akp̄t̄e liní bhú 'bu Kilisito.

²¹ Nedhinga ma ngaye bal̄a inde-e pi m̄ lie, ma aziba na paká me mo oméne engú ma ngayo e ka m̄-o mamene. Ma ambila la di me mo oméne beleḡ ané bhende ma ngayo e ka m̄-o mane. ²² Nedhinga inde mo osia Onezime lie agba m̄-o, m̄ de leke di dabili m̄ma ngú nasi ka ma tété. Padhá de, anga ma abhundja me Ebhe asúno bádha bhú 'bu bhú mayo gba yi-e masuno. Ani tsia bhúlu kpadj̄i m̄ma me ma kolo li yi oo ko.

Oeli na soso

²³ Epafalasi, inde bhú tikp̄ bhú dabili bini ne ma kabula Yesu Kilisito-o yi m̄ mayi. ²⁴ Maloko, ne Alisitaluka, ne Demasi di ne Luka nd̄ uo hana ngamene kulu ne ma bhú dabili bini. U apa di me o yi m̄ mayi. ²⁵ A ayo me bádha bhú 'bu gba Ngámá gba ní Yesu Kilisito-o d̄ ne yi.